

L'ACCUEIL FAICT  
A SON  
EMINENCE  
PAR LES  
BORDELOIS.

M. DC. L.



LA CCAV BIL F AIG

A 20

EMINENCE

P A R L E S

BORDÉLOIS





L'ACVEIL FAICT

A SON

EMINENCE

PAR LES

BORDELOIS.

**C**Eluy qui dans ce haut éclat,  
 Donne le bransle à cet Estar,  
 Qui porte dessus ces espaules,  
 Le faix de l'Empire de Gaules,  
 Qui tient tout le monde en esmoy,  
 Qui nous fait trembler sous sa loy,  
 Qui faire sortir hors de Vincennes  
 Nos Princes tous chargez de chaisnes,  
 Apres auoir rendu des siens,  
 L'vnique obiet des Parisiens,  
 Qui par les faueurs de la Reine,  
 Prend l'autorité souueraine,  
 Qui se rend maistre de nos forts,  
 Qui dispose de tous nos ports  
 Qui de son bras armé de foudre,  
 Croit nous reduire tous en poudre,

A ij



4

Qui fait marcher sa Maïesté,  
De iour de nuict hyuer, Esté;  
N'eust pas creu que dans la Gascogne,  
On luy taillast tant de besogne,  
Et que Messieurs les Bordelois,  
Luy fissent visage de B o i s ,  
Quoy ! qu'il souffrit ces Gasconnades,  
Qu'il peust endurer ces brauades ?  
Sa pourpre s'en offenserait,  
Ouy mesme quand tout se perdrait,  
Il faut qu'il lance le tonnerre,  
Contre ses Enfans de la terre :  
Si l'on n'arreste sa fureur,  
Il s'en va leur F... malheur,  
C'est aussi trop que leur audace  
Estime si peu sa menace  
Et que depuis son interdit  
On ne se croye point maudit.  
Avoir ozé ptendre les armes ?  
Ozer faire tant vacarmes  
Contre vn tel Ministre d'Estat,  
Qui se rit de nostre Senat  
Et sans respect de leur sotane  
Les traite de gens de chicanne  
Luy qui comme homme de grand cœur  
Esperoit estre le Vainqueur  
Et venoit avecque main-forte  
Pour forcer & rompre la porte

Au



Au lieu d'entrer dedans Bordeaux  
 Porté sur de si beaux vaisseaux  
 S'en retourner avec merueille  
 Vn doigt au Cul l'autre à l'oreille.  
 Qui n'enrageroit de depit  
 Perdant ainsi tout son credit  
 Dans toutes les Villes de France  
 On a receu son Eminence  
 Moitié figue moitié raisin  
 On a baisé le babouin.  
 Auoir entré dans Paris mesme  
 Quoy qu'auec vn visage blesme  
 Estant conduit dedans vn char  
 En Iules ou demi Cesar  
 Et se voir par de gens de mise  
 Chassé comme vn peteur d'Eglise.  
 Apres auoir d'un cœur jouial  
 Promis dans le Palais royal  
 Qu'il ne feroit pas long voyage,  
 Et iuré mesme sur bon gage  
 Qu'il apprendroit tous ces Gascons,  
 A faire les mauuais garçons;  
 Qu'il luy seroit aussi facile,  
 D'entrer le plus fort dans leur Ville,  
 Que donner vn coup de bonnet,  
 Voulant faire le bon valet :  
 N'auoir peu faire dans Trombette  
 Entrer vn seul chetif trompette ;



Falloir plus viste que le pas,  
 S'en retourner dessus ses pas,  
 Pour ne voir dans ce port de Lune,  
 Le naufrage de sa fortune,  
 C'est pour deuenir furieux,  
 Croyant estre victorieux.  
 Ainsi cette aueugle se jouë,  
 Et par vn demi tour de rouë,  
 Remet dedans leurs propres lieux,  
 Ceux qui sont és throsnes des Dieux.  
 Le bon-heur fatal de la France,  
 Nous promet cette deliurance,  
 Et chacun dira desormais,  
 Qu'il vaudroit mieux tard que jamais.  
 Aussi desia tout se reueille,  
 Chacun a la puce à l'oreille,  
 Desireux que par leur accueil,  
 Les Gascons ruinent son orgueil,  
 Par vn arrest rres-equitable,  
 Themis l'a declaré coupable,  
 Renouuellé des-auant-hier,  
 Celuy du septiesme Ianuier,  
 Or afin que son Arrest tienne,  
 Elle met en armes la Guienne,  
 Bordeaux fortifie son port,  
 Et par vn genereux effort,  
 Sans s'amuser à la moustarde,  
 Tout prend les armes pour la garde.



La Guienne avec le Languedoc,  
Contre cét Inuenteur du Hoc,  
Vont mettre leurs forces ensemble,  
Pour le faire trotter à l'emble,  
Et quoy qu'il s'eschaufe par trop,  
Afin qu'il courre le Galop,  
Le chassant hors de leurs Frontieres.  
Luy taillent de bonnes croupieres.  
On dit aussi que Godefroy,  
Luy donne desia de l'effroy;  
Et pour remonter sur sa beste,  
Tant qu'il peult poursuit sa deffaite,  
Vn chacun de tout son pouuoir,  
Pour s'acquiter de son deuoir,  
Veut perdre ce chef de Corsaires,  
Destruire tous ces Ianissaires,  
Et croit voir vn monstre Marin,  
Voyant vn François Mazarin.  
Peut-on iuger bon Politique,  
Celuy qui rend la Republique,  
Ou si vous voulez cét estat,  
Sans Roy, sans Peuple, sans Senat,  
Ayant fait arrest de nos Princes,  
Et ruiné toutes nos Prouinces,  
Pensez-vous qu'on l'eust espargné,  
Et qu'il eust si long-temps regné,  
Qu'on eust souffert sa procedure,  
N'estoient ses lettres de tonsure?



Certes il eust passé le pas,  
 Croyez, ou ne le croyez pas.  
 Mais c'est qu'en luy le sacrilege,  
 Est vn asseuré Priuilege,  
 Et pour se tenir sur son bout,  
 Il mettra le tout pour le tout:  
 Au lieu de prendre par famine,  
 Bourdeaux luy cause sa ruine,  
 Se mocque de tous ses desseins,  
 Disant que mal-gré tous les Saincts,  
 Plustost l'ame desesperée,  
 Entreroit dedans l'Empirée,  
 Que pour toute reception,  
 Il aura la colation.  
 Pour baisers & pour accolades,  
 Vn long salve de Mousquetades,  
 Luy criant guarda las gambas,  
 Ne frundator bleffet eas.

F I N.